

Bosna i Hercegovina  
Federacija Bosne i Hercegovine  
**SKUPŠTINA KANTONA  
SARAJEVO**



Босна и Херцеговина  
Федерација Босне и Херцеговине  
**СКУПШТИНА КАНТОНА  
САРАЈЕВО**

Bosnia and Herzegovina  
Federation of Bosnia and Herzegovina  
**CANTON SARAJEVO  
ASSEMBLY**

Nezavisni odbor  
Broj:01-05-122-13/19  
Sarajevo, 19.03.2018. godine

SKUPŠTINA KANTONA SARAJEVO

OVDJE

PREDMET: Izvještaj o radu Policijskog komesara za period oktobar-decembar 2018.godine-  
dostavlja se

Nezavisni odbor na sjednici održanoj dana 19.03.2019. godine razmatrao je Izvještaj o radu Policijskog komesara za period oktobar-decembar 2018. godine, a u skladu s članom 45. stav 3. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16), isti dostavlja Skupštini Kantona Sarajevo, kao informativni materijal.



PREDSJEDNIK

Miroslav Kružik, s.r.



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax:+ 387 (0) 33 562-210  
Sarajevo, Reisa Džemaludina Čauševića 1





**IZVJEŠTAJ**  
o radu Policijskog komesara za period oktobar – decembar 2018. godine

Sarajevo, mart 2019. godine



Na osnovu odredaba člana 45. stav (3) Zakona o unutrašnjim poslovima Kantona Sarajevo („Službene novine Kantona Sarajevo“, broj: 1/16) i člana 8. tačka 9) Poslovnika o radu Nezavisnog odbora ("Službene novine Kantona Sarajevo", broj: 23/16), Nezavisni odbor Skupštini Kantona Sarajevo dostavlja

## I Z V J E Š T A J

### o radu policijskog komesara za period oktobar – decembar 2018. godine

Kao rukovodilac Uprave policije u Ministarstvu unutrašnjih poslova Kantona Sarajevo (u daljnjem tekstu: Uprava policije), u vremenskom periodu oktobar - decembar 2018. godine, u skladu s ovlaštenjima definiranim odredbama člana 23. Zakona o unutrašnjim poslovima Kantona Sarajevo ("Službene novine Kantona Sarajevo", broj: 1/16, u daljnjem tekstu: Zakon), kao i odredbama drugih relevantnih zakonskih i podzakonskih propisa, te Planom aktivnosti policijskog komesara u cilju unaprijeđenja rada Uprave policije u vremenskom periodu 2017. - 2021. godina, policijski komesar je preduzimaio poslove i zadatke u cilju izvršavanja poslova i zadataka propisanih u članu 20. Zakona, u cilju osiguranja lične i imovinske sigurnosti na području Kantona Sarajevo.

Tokom izvještajnog perioda policijski komesar je preduzeo sljedeće mjere i radnje:

**I** Predstavljao Upravu policije neposrednim učešćem i angažmanom kroz različite oblike komunikacije sa vladim i nevladinim organizacijama, međunarodnim organizacijama i predstavništvima, s ciljem stvaranja povoljnije sigurnosne situacije na području Kantona Sarajevo. Isti je prisustvovao mnogobrojnim sastancima sa: rektorom Univerziteta u Sarajevu, Ministarstvom za rad, socijalnu politiku, izbjeglice i raseljena lica Kantona Sarajevo, Komorom agencija za zaštitu ljudi i imovine, načelnikom općine Stari grad, predstavnicima: Željeznica FBiH, općine Ilidža, općine Novi grad, BH Pošte, Državne agencije za istrage i zaštitu BiH, Policijske uprave Istočno Sarajevo MUP-a RS-a, Direkcije za koordinaciju policijskih tijela BiH, Službe za strance Ministarstva sigurnosti BiH, Sudske policije FBiH, Grada te firme MIBO. Policijski komesar je također prisustvovao sportskim igrama održanim u sportskoj drvorani Ramiz Salčin te se obratio općinskim vjećnicima za vrijeme vanredne sjednice Općinskog vijeća Novi grad. Prisustvovao je i sastanku Koordinacije Federalne uprave policije i kantonalnih Uprava policije, sastanku sa glavnom tužiteljicom Tužilaštva Kantona Sarajevo i Tužilaštvom BiH te sastanku Koordinacionog tijela Vlade Kantona Sarajevo.

Policijski komesar je u izvještajnom periodu gostovao u televizijskim programima nekoliko emitera, prisustvovao je: sjednicama Vlade Kantona Sarajevo, zasjedanju kolegija Skupštine Kantona Sarajevo te sjednici Komisije za sigurnost Skupštine Kantona Sarajevo.

**II** Neposredno ili putem Odjeljenja za odnose s javnošću policijski komesar je informisao javnost o radu i aktivnostima Uprave policije. U tom smislu za vremenski period oktobar - decembar 2018. godine urađeno je sljedeće:

- poslato dnevnih obavijesti pisanim i elektronskim medijima	530
- poslato saopštenja za javnost	63
- dato intervjuua za elektronske medije	150
- zaprimljeno zahtjeva pisanih i elektronskih medija	177
- održano pres konferencija	1
- gostovanje u TV i radio emisijama u studiju	34



Po izjašnjenju policijskog komesara zvanični web Ministarstva je kvalitetan, redovno se ažurira. U izvještajnom periodu, na osnovu podataka Google Analytics-a, na zvaničnom web-u Ministarstva zabilježeno je 371 328 posjeta, a posjete su zabilježene iz 115 država i 2 450 gradova u svijetu. Određeni broj selektiranih informacija se objavljuje i na službenom Twitter profilu MUP-a Kantona Sarajevo. Na službenom YouTube kanalu Ministarstva do sada je obrađen i postavljen 31 video sadržaj i isti trenutno ima 167 „pretplatnika“.

**III** Na sjednici Nezavisnog odbora održanoj 20.11.2018. godine, policijski komesar je dao uvodne napomene o stanju kriminaliteta, javnom redu i miru i saobraćaju na području Kantona Sarajevo za mjesec oktobar 2018. godine. Naglasio je da se u navedenom mjesecu registrovana 394 krivična djela, što je za 4 djela ili 1% manje u odnosu na isti mjesec prethodne godine. Od ukupnog broja registrovanih krivičnih djela, 203 izvršeno je od strane poznatih izvršilaca, a 191 od strane nepoznatih izvršilaca. U ovom periodu registrovano je 220 krivičnih djela protiv imovine, što je za 35 djela manje u odnosu na isti mjesec prošle godine. Među djelima iz ove oblasti najbrojnije su: teške krađe – 121-no djelo, zatim krađe – 36, razbojništvo – 20 „.. itd.

Na području Kantona Sarajevo u mjesecu oktobru ove godine izvršeno je 35 krivičnih djela teških krađa motornih vozila od čega je osam pronađeno i vraćeno vlasnicima. Zbog postojanja osnova sumnje da su učestvovali u otuđenju motornog vozila nadležnom tužilaštvu u mjesecu oktobru 2018. godine podneseni su službeni izvještaji protiv sedam lica, od kojih su četiri povratnika u činjenju krivičnih djela. Prema strukturi prekršaja, najzastupljeniji su prekršaji koji su učinjeni prosjačenjem 165 od ukupnog broja, naročito drskim ponašanjem 43 odbijanjem naređenja i omalovažavanje policijskih službenika 38.

Na području Kantona Sarajevo u mjesecu oktobru 2018. godine u odnosu na isti mjesec prethodne godine smanjen je ukupan broj saobraćajnih nezgoda, broj nezgoda sa materijalnom štetom i nastradalim licima i broj nastradalih lica.

Odgovarajući na pitanja članova Nezavisnog odbora a vezano za krađu motornih vozila u Kantonu Sarajevo u smislu da li se broj krađa motornih vozila smanjio u periodu nakon ubistva policijskih službenika, policijski komesar je odgovorio da je taj broj značajno smanjen ali da su prethodne sedmice ukradena dva motorna vozila, uglavnom se radilo o motornim vozilima marke kadeti i golfovi 2.

Na pitanje da li smatra da će ova situacija u kojoj su stradala dva policijska službenika na neki način unaprijediti saradnju Uprave policije sa MUP-om RS-a, SIPA-om i svim ostalim policijskim agencijama, da li će se građani konačno osjećati sigurno po pitanju automafije i da li policijski komesar misli da će se nešto pozitivno desiti, policijski komesar je odgovorio da je pomenuti događaj ujedinio policijske agencije ali se uglavnom radilo o fizičkoj potpori. 20 godina ne funkcionise saradnja između MUP-a KS i MUP-a RS. Jedino rješenje po njemu je da krivična djela teške krađe motornih vozila preuzme Tužilaštvo BiH koje će direktno izdavati naredbe SIPA-i. Kada se određene stvari spomenu kolegama iz RS-a, isti ne žele saradivati sa SIPA-om. Nije ništa bolja situacija ni u kantonima sa hrvatskim predznakom. Na teritoriju RS-a se ne može otići po određenu informaciju ili podatak, čak je Uprava policije dobila i protestno pismo MUP-a RS jer se neki policijski službenik predstavio kao federalna policija. Na nekom nivou postoje određeni kontakti i saradnja, ali sve se nažalost povezuje sa nacionalnim predznakom.

Obzirom da je u medijima objavljeno da su određena lica iz RS (koja su pritvorena zbog sumnje u tešku krađu motornih vozila) pretučena u Sarajevu članovi Nezavisnog odbora su postavili pitanje policijskom komesaru u vezi sa navedenim. Policijski komesar je istakao da je to nemoguće jer su u kancelariji gdje su isti privedeni bila četiri kantonalna tužioca. Na pitanje da li je Uprava policije objavila demant u vezi pomenutog, policijski komesar je odgovorio da nisu objavljivali demant jer Uprava policije posjeduje svu relevantnu dokumentaciju.



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044, Fax: + 387 (0) 33 562-210  
Sarajevo, Reisa Džemaludina Čauševića 1



Odgovarajući na postavljena pitanja, policijski komesar je odgovorio da postoje kamere odnosno video nadzor koji može snimati lica, da je ranije bila testna faza i sad je u primjeni.

Članovi Nezavisnog odbora su se osvrnuli na događaj ubistva policijskih službenika o kojem se diskutiralo na sjednici i istakli su da je FMUP i MUP RS-a trebao iznaći rješenje u smislu smanjenja birokracije i da se postigne saradnja. Taj momenat se nažalost nije iskoristio. Također su se osvrnuli na web stranicu MUP KS a prije svega na on-line prijavu korupcije te su iznijeli nekoliko primjedbi u smislu da je sistem za prijavu korupcije diskriminatorski jer se korisnik mora registrovati. Obični građanin nikada neće pristati na to da se registruje te su istakli da se o samoj mogućnosti on-line prijave korupcije trebaju obavijestiti i mediji u neko dogledno vrijeme.

Na sjednici Nezavisnog odbora održanoj 18.12.2018. godine, policijski komesar je dao uvodne napomene o stanju kriminaliteta, javnom redu i miru i saobraćaju na području Kantona Sarajevo za mjesec novembar 2018. godine. Naglasio je da se u navedenom mjesecu registrovana 343 krivična djela, što je za 98 djela manje u odnosu na isti mjesec prethodne godine. Od ukupnog broja registrovanih krivičnih djela, 196 izvršeno je od strane poznatih izvršilaca, a 147 od strane nepoznatih izvršilaca. U mjesecu novembaru 2018. godine u odnosu na isti mjesec prethodne godine, zabilježeno je značajno smanjenje broja registrovanih krivičnih djela i to za 98. Najznačajnije smanjenje je zabilježeno u oblasti protiv imovine, sigurnosti javnog prometa, javnog reda i pravnog prometa, zdravlja ljudi, i sl. U ovom mjesecu, registrovano je 181-no krivično djelo protiv imovine, što je za 31,7% manje u odnosu na isti mjesec prošle godine. Među djelima iz ove oblasti najbrojnije su: teške krađe – 102 djela, zatim krađe – 26, razbojništvo – 19, oštećenje tuđe stvari – 16 itd.

Za ukupno 93 djela identifikovan je osumnjičeni izvršilac što je za 10,6% veća rasvijetljenost imovinskih delikata u odnosu isti mjesec prethodne godine. Na području Kantona Sarajevo u mjesecu novembru ove godine izvršeno je osam krivičnih djela teških krađa motornih vozila što u odnosu na uporedni mjesec, predstavlja značajno smanjenje od 72,4%. Tokom izvještajnog mjeseca pronađeno je i vraćeno 12 motornih vozila (sedam vozila je otuđeno u ranijem periodu). Od strane Uprave policije MUP-a KS vraćeno je pet vozila, MUP-a RS-a - šest i vlasnici su pronašli jedno vozilo.

Na području Kantona Sarajevo u mjesecu novembru 2018. godine u odnosu na isti mjesec prethodne godine smanjen je ukupan broj saobraćajnih nezgoda, broj nezgoda sa materijalnom štetom, sa nastradalim licima i brojem povrijeđenih lica, dok je broj poginulih lica povećan. Registrovane su 634 saobraćajne nezgode, od čega je 585 sa materijalnom štetom i 49 sa nastradalim licima. U navedenim nezgodama dva lica su poginula.

Na navedenoj sjednici postavljeno je pitanje policijskom komesaru u vezi sa problematikom neusklađenosti postojećeg Pravilnika o posebnim uniformama policijskih službenika Uprave policije Kantona Sarajevo sa Uredbom o jedinstvenoj policijskoj uniformi FBiH a o čemu je ranije policijski komesar dostavio informaciju (na više od 200 strana i koja je uglavnom sadržavala izjašnjenja pojedinih Sektora Uprave policije), da li su u međuvremenu pokrenute aktivnosti kako bi se riješila navedena problematika. Iz informacije koja je dostavljena Nezavisnom odboru vidljivo je da je policijski komesar formirao radnu grupu koja je također ustanovila da navedeni Pravilnik nije u skladu sa Uredbom. Naglašeno je da je Nezavisnom odboru jasno da navedeni Pravilnik donosi ministar unutrašnjih poslova, ali je postavljeno pitanje da li je istom poslan neki dopis, da li je održan neki sastanak na ovu temu i sl. Policijski komesar je odgovarajući na postavljeno pitanje ponovio da Pravilnik o posebnim uniformama policijskih službenika Uprave policije Kantona Sarajevo donosi ministar MUP-a, te da mu je upućen dopis oko ovoga pitanja, međutim do danas nije dostavljen odgovor od strane ministra. Dopis je davno poslan i na isti nije upućena urgencija. Također, sastanak po ovom pitanju nije iniciran.



Nezavisni odbor se osvrnuo na izradu Akcionog plana Vlade KS i lokalnih zajednica u povodu krađe motornih vozila u Kantonu Sarajevo te postavio pitanje policijskom komesaru u vezi sa detaljima istog. Policijski komesar je istakao da je radna grupa MUP-a Kantona Sarajevo izvršila analizu video nadzora i drugih sistema te sačinila akcioni plan za postupanje u smislu koordinacije nadležnih institucija, unaprjeđenje saradnje te obavještenje vlasnika. Formirano je posebno odjeljenje koje će se baviti krađama m/v u Kantonu Sarajevo. Za realizaciju ovoga plana do 2020. godine, potrebno je oko 8.000.000 KM. Potrebno je pokriti video nadzorom sve izlaze iz Kantona Sarajevo, osavremeniti komunikacioni sistem i stvoriti pretpostavke da sve ovo funkcioniše. U tom smislu je potrebno ostvariti saradnju sa MUP-om RS-a, uspostaviti privremeni komunikacijski operativni centar. Istakao je da je najvažnije je da je Vlada usvojila plan, te da će pokušati dobiti podrška od lokalnih zajednica u smislu njihovog uključivanja u finansijskom pogledu.

Nezavisni odbor konstatuje da je postavljanje video nadzora na sve izlaze iz Kantona Sarajevo, aktuelno još iz vremena kada je Mevludin Halilović imenovan za policijskog komesara, ali da isti ni do danas nije postavljen.

Policijskom komesaru se na navedenoj sjednici postavilo pitanje u vezi sa događajem o kojem se pisalo u medijima i to da je na području Semizovca sletio helikopter Vlade RS u kojem se nalazio predsjedavajući Predsjedništva BiH Milorad Dodik. Postavljeno je pitanje da li MUP Kantona Sarajevo ima nadležnosti praćenja i obezbjeđivanja visokih dužnosnika Bosne i Hercegovine, te da li je o istom obavijestio direktora Direkcije za koordinaciju policijskih tijela BiH. Policijski komesar je odgovorio da MUP Kantona Sarajevo u okviru svojih nadležnosti može samo „prpratiti“ visoko pozicionirane osobe tako što će obezbjeđivati saobraćajnice, raskrsnice. U ovom konkretnom slučaju ga je kontaktirao kolega iz operativnog centra MUP-a RS-a (oko 1 ili 2 sata) i informirao ga da je helikopter sletio u Semizovac i da se u istom nalazi predsjedavajući Predsjedništva BiH Milorad Dodik. Istakao je da je poslao dvije patrole da bi spriječio eventualne incidente i patrola saobraćajne policije je istog samo propratila do Istočnog Sarajeva. Istakao je da je bilo još nekoliko zahtjeva za isto postupanje ali su odbijeni i rečeno im je da se obrate Direkciji za koordinaciju policijskih tijela. Po navodima policijskog komesara o ovom slučaju Direkcija nije obavještena jer ovo nije prvi put da se praćaju dužnosnici, do sada su praćane razne sudije, tužioci, glumci i sl.

Na navedenoj sjednici istaknuto je da je na 8. sjednici održanoj 16.10.2018. godine postavljeno pitanje policijskom komesaru vezano za nadzor nad primjenom Depeše (ili Instrukcije) o korištenju službenih motornih vozila u Upravi policije. Tada je policijski komesar odgovorio da se svakodnevno podnose izvještaji od strane načelnika policijskih uprava i da nema slučajeva zloupotrebe koliko je njemu poznato. Nezavisni odbor je podsjetio da je tada policijskom komesaru ukazano na događaj koji se desio na lokalitetu Tjentišta kada je policijski službenik I. boravio sa službenim vozilom na pomenutom lokalitetu. Nezavisnom odboru je dostavljena informacija u kojoj se navodi da su sve činjenice tačne u vezi navedenog policijskog službenika (da je isti u navedenom vremenskom periodu boravio na navedenom lokalitetu, daje bio u društvu svoga brata), ali se jedino ne slaže činjenica da je koristio službeno vozilo. Naglašeno je da je čak navedeni policijski službenik telefonski kontaktiran i da je odgovorio da on nije koristio službeno vozilo i da je to dovoljno. Postavljeno je pitanje policijskom komesaru da li se nešto konkretno poduzelo da se ustanovi da li je bilo neovlaštenog korištenja službenih vozila u privatne svrhe? Policijski komesar je istakao da je nakon izvršenih provjera utvrđeno da jedno od tih vozila (Golf 5) bilo službeno vozilo MUP-a Kantona Sarajevo te je licitacijom prodato tom licu (I.) koje nije skinulo vanjske naljepnice. Također je naglasio da misli da je navedeni predmet prosljeđen unutrašnjoj kontroli. Šef smjene je morao dati odobrenje za korištenje službenog vozila.

Članovi Nezavisnog odbora su iznijeli policijskom komesaru da imaju saznanja da policijski službenik I. N. koristi službeno vozilo u privatne svrhe na lokalitetu Breze a policijski službenik V.Ć. na lokalitetu Jablanice. Članovi Nezavisnog odbora su dodali da su samo željeli da istaknu da



se ta depeša (instrukcija) očigledno nepoštuje i da je ona izgleda u svrsi da se nekome zamažu oči u smislu da formalno kao postoji mjera, te smatraju da se trebaju poduzeti odgovarajuće mjere i radnje jer po saznanju Nezavisnog odbora ovu depešu ne poštuju visoko rangirani službenici – između ostalih i I.N. koji službeno vozilo koristi kao privatno i odlazi sa istim u Brezu gdje stanuje. Policijskom komesaru postavljeno je pitanje koje se odnosi na teške krađe na području općine Vogošća u smislu mogućnosti veće angažiranosti policije na navedenom lokalitetu te da li može postojati neka kontinuiranost u radu. Također je postavljeno pitanje da li je sačinjen operativni plan u vezi ovih slučajeva kako se ne bismo uvijek bavili posljedicama. Policijski komesar je odgovorio da PU Vogošća radi na zaštiti lične imovine stanovnika Vogošće te da nije zabilježen veći porast kriminala u opštini Vogošća u odnosu na ostale opštine. Također je naglasio da se na kraju dođe do izvršilaca.

Nezavisni odbor je postavio je pitanje policijskom komesaru u vezi sa činjenicom da nekoliko policijskih službenika nije prošlo sigurnosne provjere, da li je istina da će isti ostati bez posla i da li postoji mogućnost njihove preraspodjele na neka druga radna mjesta. Policijski komesar je odgovorio da u vezi sa sigurnosnim smetnjama OSA donosi rješenje i Uprava policije postupa po njima. Policijski službenici koji nisu prošli sigurnosne provjere su proglašeni prekobrojnima, ostvariće pravo na naknadu ali ostaju bez posla jer je za gotovo sva radna mjesta u Upravi policije potrebno proći sigurnosnu provjeru. Policijski komesar je naglasio da je Nezavisni odbor tražio da se postupa po zakonu i da se sigurnosne provjere vrata obzirom da iste nisu vršene u vrijeme kada je na poziciji policijskog komesara bio Vahid Čosić.

Policijskom komesaru postavljeno je pitanje u vezi sa primjenom Zakona o policijskim službenicima u pogledu donošenja rješenja o prestanku radnog odnosa zbog ispunjavanje uslova za odlazak u penziju. Ranije je policijski komesar naglašavao da se rješenja o prestanku radnog odnosa ne mogu donositi sve dok se zakon ne promijeni. Obzirom da je zakon promijenjen Nezavisni odbor je postavio pitanje, da li se otpočelo sa njegovom primjenom. Policijski komesar je odgovorio da nije, obzirom da nijedna institucija kojoj su se obraćali neće da dadne tumačenje koji organ je dužan uplatiti ratni staž i kako to premostiti. Članovi Nezavisnog odbora su iskazali svoje nezadovoljstvo i dodali da je nevjerovatno da je problem postojao i da se pravdalo da će se riješiti izmjenama i dopunama zakona a sada kada je isti izmijenjen i dopunjen odnosno kad je stupio na snagu novi zakon, problem i dalje postoji.

**IV** Tokom izvještajnog perioda Uprava policije osiguravala je više javnih skupova, od kojih je jedan dio imao kontradiverziono osiguranje, na kojima nije bilo narušavanja javnog reda i mira.

U oblasti upravnog rješavanja policijski komesar je donosio odluke koje se odnose na radnopravni status zaposlenika Uprave policije (provedba Pravilnika o unutrašnjoj organizaciji MUP-a Kantona Sarajevo).

U izvještajnom periodu, Operativni tim za borbu protiv korupcije nije zaprimio niti jednu žalbu koja se odnosi na postojanje osnova sumnje da je počinjeno krivično djelo navedeno u Strategiji borbe protiv korupcije u MUP-u Kantona Sarajevo.



PREDSJEDNIK NEZAVISNOG ODBORA

Miroslav Kružik



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044, Fax: + 387 (0) 33 562-210  
Sarajevo, Reisa Džemaludina Čauševića 1

